

Na osnovu člana 93. Zakona o onovnom obrazovanju i odgoju ("Službene novine Kantona Sarajevo") i člana 129. Pravila Osnovne škole "Đulistan" Školski odbor na svojoj XCV sjednici održanoj dana 10.12.2020. godnine donosi:

PRAVILNIK O PONAŠANJU UČENIKA I RODITELJA/STARATELJA UČENIKA

Član1.

Ovim Pravilnikom uređuju se pravila ponašanja učenika i roditelja/staratelja učenika Osnovne škole "Đulistan" (u daljem tekstu Škola), njihove obaveze i odgovornosti koje su u vezi sa odgojno-obrazovnim procesom.

Član2.

Poštovanjem i primjenom ovog Pravilnika osigurava se:

- provođenje opće i radne discipline s ciljem ostvarenja boljeg uspjeha učenika, kao i povećanje ugleda i uspjeha Škole u odgojno-obrazovnom radu,
- odgoj učenika u duhu univerzalnih vjersko-moralnih vrijednosti i razvijanju ljubavi prema dobrom,
- skladan razvoj univerzalnih vjersko-moralnih, radnih, intelektualnih, fizičkih i estetskih osobina učenika,
- ispunjavanje vjersko-moralnih obaveza tačnosti, spremnosti na pomoć, srdačnosti i optimizma.
- dostojanstvenost i cijenjenje drugih,
- pokazivanje vlastitih vrlina i njihovo razvijanje,
- razvijanje osjećaja pripadnosti široj društvenoj zajednici,
- razvijanje vjerskog humanizma i smisla za usklađivanje ličnih i društvenih interesa,
- ponašanje u skladu sa moralnim načelima kao stila življenja
- spremnost na čuvanje ugleda i interesa Škole.

Primjenom odredaba ovog Pravilnika, naročito ovih vezanih za način oblačenja i regulisanje međusobnih odnosa, kako u krugu škole, tako i inače, osigurat će se potpun efekat planiranog odgojno-obrazovnog rada u školi.

Član3.

Učenici i roditelji/staratelji učenika su dužni poštovati ovaj Pravilnik kako u okviru škole tako i van nje, te tokom pohađanja škole od strane učenika, kao i nakon prestanka pohađanja.

I PONAŠNJE UČENIKA

1. Dužnosti i obaveze učenika

Član 4.

Obaveze i dužnosti učenika su:

1. redovno pohađa nastavu, stiče znanje, ovladava vještinama i uredno izvršava druge školske obaveze u procesu odgojno-obrazovnog rada,
2. u Školu dolazi prikladno odjeven, očištan (dječaci) u skladu sa univerzalnim vjersko-moralnim vrijednostima i propisima oblačenja, a prema odluci škole nosi i školasku uniformu,
3. čuva ugled škole kako je navedeno u članu 7. ovog Pravilnika
4. da se poslije znaka za početak nastave nalazi u učionici na svom mjestu, spreman za njen početak,
5. da vodi računa o svojim stvarima, odjevnim predmetima, priboru i opremi,
6. čuva od oštećenja šlosku imovinu, čistoću i estetski izgled školskih prostorija, kao i imovinu drugih ustanova za vrijeme posjeta ili izvođenja odgojno-obrazovnog rada van škole,
7. poštuje ličnost drugih učenika, nastavnika i ostalih uposlenika škole,
8. ne ometa izvođenje nastave,
9. ne napušta čas bez prethodnog odobrenja razrednika; ako razrednik nije prisutan predmetni nastavnik može odobriti napuštanje časa uz prethodnu saglasnost pedagoga,

Član 5.

Učenik je dužan da čuva dačku knjižicu , uvjerenje, svjedočanstvo ili bilo koji drugi dokument koji izdaje Škola. Učenik je dužan da roditelju/staratelju da na uvid dačku knjižicu ili uvjerenje.

Član 6.

Učenik koji u Školi ili na drugim mjestima gdje se obavljaju bilo kakvi oblici odgojno-obrazovnog rada u sklopu školskih aktivnosti (na ekskurzijama i posjetama kulturnim, sportskim ili bilo kakvim drugim manifestacijama) neprimjereno, grubo ili agresivno ponaša prema učenicima, uposlenim ili trećim licima, bit će pozvan na disciplinsku odgovornost kako je definirano Pravilima OŠ "Đulistan".

Član 7.

Učenici su dužni paziti na svoje dostojanstvo, pristojno se ponašati u učionici i svim prostorijama Škole za vrijeme trajanja nastave, kao i u svim drugim oblicima odgojno-obrazovnog rada unutar i izvan Škole.

Ugled škole narušava:

- neprikladno oblačenje (uska, providna, kratka i poderana odjeća i odjeća sa neprimjerenim slikama)
- neuredna i neošišana kosa kod dječaka
- upotreba etički neprihvatljivog govora, u usmenoj ili pismenoj formi
- prikazivanje ili objavljivanje slika ili tekstova koji nisu u skladu sa moralnim standardima i standardima Škole,
- posjećivanje mjesta kaoja su prevashodno namijenjena konzumiranju alkoholnih pića i narkotičkih sredstava, kao i posjećivanje diskoteka.

2. Međusobni odnosi učenika

Član 8.

Odnosi među učenicima su zasnovani na međusobnoj saradnji i pomoći, drugarstvu, prijateljstvu, uvažavanju i poštovanju ličnosti i pristojnom ophođenju.

Međusobne nesporazume i sukobe učenici rješavaju u okviru Odjeljske zajednice, uz posredovanje razrednika. Ukoliko se nastali nesporazum ili sukob ne riješi u okviru odjeljske zajednice u rješavanje se uključuje školski pedagog, psiholog. U rješavanje nesporazuma ili sukoba se izizetno, ako se oni ne riješe sa prethodnim instancama, uključuje i direktor.

Postupanje u slučaju verbalnog ili fizičkog nasilja učenika prema učenicima vrši se prema odredbama i procedurama definiranim Protokolom o postupanju škole u situacijama nasilja.

3. Odnos učenika prema nastavnicima , uposlenicima Škole i starijim osobama

Član 9.

Učenici se pristojno ponašaju prema nastavnicima i ostalim uposlenicima Škole, roditeljima drugih učenika i trećim osobama, posebno starijim, koje se po bilo kakvom osnovu nalaze u Školi.

Učenici čuvaju dostojanstvo i ugled nastavnika i persiraju ih.

Međusobne nesporazume između učenika i nastavnika koji su u vezi sa odgojno-obrazovnim procesom rješava direktor Škole u saradnji sa školskim pedagogom.

Postupanje u slučaju verbalnog ili fizičkog nasilja učenika prema nastavnicima vrši se prema odredbama i procedurama definiranim Protokolom o postupanju Škole u situacijama nasilja.

4. Zabrane

Član 10.

Učeniku je zabranjeno da:

1. u Školu unosi oružje, oruđe i druga sredstva kojima se mogu nanijeti ozljede ili ugroziti život učenika i uposlenih, odnosno oštetiti školska, tuđa ili lična imovina ; izuzetno ako predmetni nastavnik u okviru odgojno-obrazovnog procesa bude tražio, učenik ima pravo donijeti samo ono oruđe koje nastavnik bude tražio.
2. koristi alkohol, narkotička i/ili bilo kakva druga sredstva sa psihoaktivnim dejstvom koja mogu ugroziti zdravlje učenika,
3. u Školi ili izvan nje ubjeđuje ili na bilo koji drugi način navodi drugog učenika da koristi alkohol, opijate, narkotička ili druga sredstva sa psihoaktivnim djelovanjem,

4. puši u prostorijama ili krugu Škole, kao i tokom izvođenja drugih oblika odgojno-obrazovnog rada unutar i izvan Škole
5. samovoljno rješava međusobne sukobe na neprimjeren način, primjenom fizičke sile ili upotrebom oružja ili oruđa
6. otuđuje ili učestvuje i pomaže u otuđenju školske ili privatne imovine bez obzira na njenu vrijednost
7. popravlja, mijenja ili dopisuje podatke u školskoj evidenciji ili ispravama koje izdaje Škola,
8. koristi mobilni telefon, vokmen, pejdžer ili bilo koje drugom sredstvo komunikacije i/ili laserske tehnike, kojim se remeti rad na času,
9. ulazi u zbornicu i druge službene prostorije Škole, bez poziva, odnosno odobrenja
10. zadržava se u hodnicima Škole za vrijeme časa

II PONAŠANJE RODITELJA/STARATELJA UČENIKA

1. Prava i obaveze roditelja/staratelja učenika

Član 11.

Roditelj/staratelj učenika dužan je da:

1. prati ponašanje, učenje i uspjeh djeteta, odnosno da se redovno informiše o tome,
2. saraduje sa razrednikom
3. se obrati isključivo razredniku ukoliko ima primjedbe na rad nekog od predmetnih nastavnika; razgovor sa predmetnim nastavnikom se obavlja u prisustvu direktora
4. u Školu dolazi prikladno odjeven, u skladu sa univerzalnim vjersko-moralnih vrijednostima i propisima oblačenja, čime neća rušiti ugled Škole i posredno negativno utjecati na razvoj vjersko-moralnih vrijednosti vlastitog i drugih učenika Škole
5. redovno prisustvuje roditeljskim sastancima
6. pruža pomoć u Školi u ostvarivanju odgojno- obrazovnog rada
7. doprinosi ostvarivanju planiranih zadataka škole, poboljšavanju uslova života i rada u njoj

2. Obaveze

Član 13.

Roditelj je obavezan da :

1. se pridržava stava o prikladnom odijevanju jer u suprotnom bit će mu onemogućen ulazak u Školu
2. u krugu škole tokom izvođenja redovne nastave ili drugih oblika odgojno-obrazovnog rada unutar i izvan Škole, ne unosi odnosno ne koristi alkohol, narkotička ili bilo kakva druga sredstva sa psihoaktivnim djelovanjem koja mogu ugroziti zdravlje učenika,
3. ne razgovara, ubjeđuje ili na bilo koji drugi način navodi vlastitog ili drugog učenika da koristi alkohol, opijate narkotička ili bilo kakva druga sredstva sa psihoaktivnim dejstvom,
4. ne puši u prostorijama i krugu Škole,
5. ne razgovra, ubjeđuje ili na bilo koji drugi način potiče učenike Škole na konzumiranje duhana i duhanskih prerađevina
6. samovoljno ne rješava nesporazume ili sukobe bilo kakvog karaktera bez poštovanja procedure propisane ovim Pravilnikom,
7. ne hoda Školom, ulazi u odjeljske učionice, zbornicu i druge službene prostorije Škole, bez odobrenja uposlenika na prijavnici
8. se ne ponaša neprimjeren, grubo, agresivno prema učenicima, uposlenicima Škole i trećim licima, u u suprotnom će biti preduzete Zakonom propisane mjere.

3. Međusobni odnosi roditelja

Član 14.

Odnosi među roditeljima su zasnovani na međusobnoj saradnji, uvažavanju i poštovanju ličnosti i pristojnom ophođenju. Međusobne nesporazume i sukobe koji su vezani za odgojno-obrazovni proces u školi i izvan nje rješavaju u saradnji sa razrednikom. Ukoliko se nastali nesporazum ili sukob ne može riješiti u saradnji sa razrednikom, u rješavanje se uključuje školski psiholog, pedagog. U rješavanje nesporazuma ili sukoba se izuzetno, ako se oni ne riješe na prethodnim instancama, uključuje direktor.

4. Odnos prema uposlenicima Škole

Član 15.

Roditelj svojim odnosom čuva ugled i dostojanstvo profesije prosvjetnog radnika i ni jednim svojim postupkom je ne ruši. Odnos roditelja prema nastavnicima je zasnovan na principima uvažavanja ličnosti u ugleda nastavnika . Na isti način roditelj se odnosi i prema drugim uposlenicima škole.

5. Odnos prema učenicima škole

Član 16.

Postupanje u slučaju verbalnog ili fizičkog nasilja učenika prema nastavnicima, uposlenicima škole i trećim licima vrši se prema odredbama i procedurama definiranim Protokolom o postupanju škole u situacijama nasilja. Roditelji se prema svim učenicima škole ponašaju uvažavajući ih kao ličnosti . Svojim odnosom roditelji ne krde ni jedno od prava djeteta.

III ZAVRŠNE ODREDBE

Član 17.

Za sprovođenje Pravilnika ovlašten je direktor škole

Član 18.

Sankcioniranje učenika u slučaju povrede odredaba ovog Pravilnika vršit će se na jedan od sljedećih načina:

1. primjenom odredaba Pravila OŠ "Đulistan"
2. raskidom trenutno važećeg ugovora
3. ne sklapanjem ugovora o školovanju za sljedeću školsku godinu
4. smanjenjem ili potpunim ukidanjem stipendije za školovanje

Član 19.

Ovaj Pravilnik na snagu stupa danom donošenja, a isti će biti objavljen na web-sajtu OŠ "Đulistan".

Prijedsjednik Školskog odbora
dipl. oec. Sedik Dervišević